



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De his quæ omittuntur in Missa pro defunctis,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

DE HIS QUÆ OMIT-
tuntur in Missa pro Defun-
ctis.

XIII:

1. In Missa pro Defunctis ante Con-
fessionem non dicitur Psalmus, *Iudica
me Deus*: sed pronunciata Antiphona,
Introibo ad Altare Dei, & responso à Mi-
nistro, *Ad Deum qui latificat* &c. dici-
tur Vers. *Adiutorium nostrum*, & Con-
fessio, cum reliquis ut supra. Cum
Celebrans ad Altare incipit *Introitum*,
non signat se, sed manu dextra extensa,
facit signum Crucis super librum, quasi
aliquem benedicens. Non dicitur *Gloria
Patri*, sed post Psalmum repetitur, *Re-
quiem aeternam*, nec dicitur, *Gloria in ex-
celsis*, nec *Alleluia*, nec *Iube Domine benedi-
cere*, nec *Dominus sit in corde meo*: nec
osculatur librum in fine. Non dicitur
Credo, non benedicatur aqua in Cali-
cem fundenda, dicitur tamen Oratio,
Deus qui humana substantia &c. Cum la-

vat manus in fine Psalmi, *Lavabo inter
 innocentes*, non dicitur *Gloria Patri*. Ad
Agnus Dei, non dicitur *miserere nobis*, cu-
 ius loco dicitur, *dona eis requiem*, nec
 tertio, *dona nobis pacem*, cuius loco dici-
 tur, *dona eis requiem sempiternam*; neque
 percutit pectus. Non dicitur prima
 Oratio ante Communionem, scilicet
Domine Iesu Christe, qui dixisti Apostolis tuis
&c. nec datur pax. In fine non dicitur,
Ite Missa est, nec *Benedicamus Domino*, sed
Requiescant in pace. Et non datur benedi-
 ctio: sed dicto *Placeat*, & osculato Al-
 tari, dicitur ut supra, *In principio erat*
verbum &c. Alia omnia ut in aliis Missis.
 2. In Missa solenni non incensatur Altare
 ad Introitum, & Subdiaconus finita Epistola
 non osculatur manum Celebrantis, nec benedi-
 citur: Diaconus non petit benedictionem,
 nec osculatur Celebrantis manum, non tenen-
 tur luminaria ad Evangelium, nec portatur
 incensum: sed duo tantum Acolythi sine can-
 delabris, stant unus à dextris, & alter à sini-
 stris Subdiaconi tenentis librum Evangeliorum.
 Non incensatur liber, nec in fine Celebrans:
 nec defertur liber Evangeliorum osculandus.
 Oblata & Altare incensantur ut supra: incen-
 santur solus Celebrans, & non incensantur
 alij.

alij. Subdiaconus non tenet Patenam post Celebrantem : sed tempore elevationis Sacramenti genuflexus in cornu Epistola illud incensat. Ministri cum aliquid porrigunt Celebranti, in hac Missa non osculantur eius manum, neque rem quam porrigunt.

3. Si distribuenda sunt candelæ distribuuntur post Epistolam, & accendantur ad Evangelium, ad elevationem Sacramenti, & post Missam, dum fit absolutio. Si habendus est sermo, habeatur finita Missa, ante Absolutionem.

4. Finita Missa, si facienda est Absolutio, Celebrans retrahit se ad cornu Epistola, ubi exiit Casula, & deposito Manipulo accipit Pluviale nigrum. Subdiaconus medius inter duos Acolythos cum candelabris accensis deferre Crucem, sicut in Processionibus precedentibus duobus alijs Acolythis, uno cum thuribulo & navicula incensi, alio cum vase aquæ benedictæ & aspersorio: Sequitur Celebrans, facta prius Altari reverentia, & Diaconus à sinistris eius. Subdiaconus cum Cruce sistit se ad pedes tumuli seu lecticæ mortuorum contra Altare, medius inter dictos Acolythos tenentes luminaria: Celebrans verò ex alia parte in capite loci inter Altare, & tumulum, aliquantum versus cornu Epistola, ita ut crucem Subdiaconi respiciat:

*citat : à sinistris eius Diaconus, & prope eum
 alij duo Acolyti deferentes thuribulum, &
 vas aqua benedicta. Interim cantatur R.
 Libera me Domine, & circa illius finem
 Celebrans ponit incensum in thuribulum, be-
 nedicens illud more solito, ministrante Dia-
 cono naviculam : & finito Kyrie eleison,
 incipit intelligibili voce, Pater noster, &
 secreto proseguendo reliqua, accipit aspersorium
 de manu Diaconi, & facta Altari reverentia,
 comitante eodem Diacono à dextris, & tenen-
 te fimbriam anteriorem Pluvialis, circuiens
 tumulum, aspergit illum aqua benedicta, ter à
 parte dextra, & ter à sinistra, cum transit
 ante Crucem, profundè inclinatur, Diaconus
 verò genui et t : postea de manu eiusdem
 Diaconi accipit thuribulum, & eodem modo
 quo aspererat, incensat. Et rediens ad pristi-
 num locum, Diacono tenente librum, iunctis
 manibus dicit:*

Verf. Et ne nos inducas in tentationem.

Resp. Sed libera nos à malo.

Verf. A porta inferi.

Resp. Erue Domine animam eius.

Verf. Requiescat in pace.

Resp. Amen.

Verf. Domine exaudi orationem meam.

R. Et

Resp. *Et clamor meus ad te veniat.*

Vers. *Dominus vobiscum.*

Resp. *Et cum spiritu tuo.*

Oremus.

Absolve, quaesumus Domine, animam Famili tui N. ab omni vinculo delictorū: ut in resurrectionis gloria, inter sanctos & electos tuos resuscitatus respiret. Per Christum Dominum nostrum. Resp. Amen.

Deinde Celebrans faciens Crucem manu dextra super tumulum, dicit:

Vers. *Requiem aeternam dona eis Domine.*

Resp. *Et lux perpetua luceat ei.*

Et dicto per Cantores, *Requiescant in pace.*

Et Resp. Amen. præcedente Cruce redit cum alijs ad Sacristiam.

Si officium sit pro pluribus defunctis omnia dicantur in numero plurali.

G s

DE